

Андижон вилояти ҳокимлиги расмий портали

БУНЁДКОРЛАР БАЙРАМИ



Жорий йилда Андижон вилоятида бир триллион 720 миллиард сўм ҳажмидаги курилиш-монтаж ишлари бажарилиши кўзда тутилган.

Президентимизнинг 2017 йил 7 августдаги фармони билан август ойининг иккинчи якшанбаси курилиш соҳаси ходимлари куни этиб белгиланган. Бу бежизга эмас, зеро яқин уч йил давомида мамлакатимизда бўлгани каби Андижонда ҳам бунёдкорлик кенг қулоч ёзди. Худуд учун долзарб ахамият касб этган кўпқаватли уйлар, намунавий лойиҳадаги тураржойлар, ижтимоий-маиший ва муҳандислик-коммуникация инфратузилмалари объектлари, ишлаб чиқариш корхоналари жадал суръатларда барпо қилинди ва бу йўналишдаги ишлар изчил давом этяпти.

Янги ўқув йилига 78 та умумтаълим мактаблари, 55 та мактабгача таълим муассасалари ишга туширилади. Курилиш-таъмирлаш ишлари 64 та соғлиқни сақлаш объектларида олиб борилаяпти. Жорий йилда намунавий лойиҳалар асосида 1550 та арzon уй-жойлар, 14 та кўпқаватли уйлар фойдаланишга топширилади. Ўйлосозлар, электр, газ ва сувоқава тизими мутахассислари томонидан ҳам катта ҳажмидаги ишлар бажарилмоқда. “Обод қишлоқ” дастурига киритилган 42 та қишлоқ ахолисининг маданий-маиший шароитларини яхшилаш учун 282,8 миллиард сўмдан зиёд маблағ эвазига 12 мингдан ортиқ ахоли уй-жойлари ҳамда 35 та кўпқаватли уйлар таъмирланмоқда. 284 км. ичимлик суви, 178 км. электр тармоқлари тортиш, 143 та трансформатор таъмирлаш, 47 км. узунликда табиий газ тармоқлари мукаммал таъмирлаш, 462 км. ички хўжалик йўлларини таъмирлаш, 62 та ижтимоий соҳа объектларини куриш, реконструкция қилиш ва капитал таъмирлаш режа қилинган. Бугунги кунда ушбу дастур асосида барча йўналишларда ишлар якунига етказиляпти.



Соҳа ходимларининг касб байрамига бағишлиб Андижон шаҳридаги “Ўзбекистон” тантаналар саройида ташкил этилган байрам кечасида бунёдкорлар шарафига кўплаб илик гаплар айтилди. “Тинчлик ва барқарорлик бор жойда бунёдкорлик ривожланади”, деди ўз сўзида вилоят ҳокими Шухратбек Абдураҳмонов. Курувчиларимиз Мустақилликни муносаб кутиб олиш ҳаракатида. Байрам арафасида умумий қиймати 1 триллион 125 миллиард сўм бўлган 225 та ижтимоий соҳа, майший хизмат кўрсатиш объектлари, ишлаб чиқариш корхоналари фойдаланишга топширилади. Натижада қарийб 5 мингта янги иш ўрни яратилади.

Байрам кечасида соҳадаги илғор ташкилотлар, донгдор қурувчилар вилоят ҳокимининг фахрий ёрликлари ва қимматбаҳо совғалар билан мукофотландилар.